

周易逢原

伍

上經下





周易逢原上經

虎文鴻光炳

卷二目錄

謙 初三 四 五 上 伍 爻 錯 簡 更 正

豫 初二 三 四 肆 爻 錯 簡 更 正

隨 初二 三 四 五 伍 爻 錯 簡 更 正

蠱 二 四 五 上 肆 爻 錯 簡 更 正







周易逢原上經

虎文馮光炳

更正  
改註

卷二目錄



謙

初三四五上。伍爻錯簡更正。

豫

初二三四。肆爻錯簡更正。

隨

初二三四五。伍爻錯簡更正。

蠱

二四五上。肆爻錯簡更正。



臨

初二三四五。伍爻錯簡更正。

觀

初三。兩爻錯簡更正。

噬嗑

初二三四。肆爻錯簡更正。

賁

初二三四五上。陸爻全錯簡更正。

剝

初。二三四。參爻錯簡更正。

復

四五上。參爻錯簡更正。



無妄

初二三四五。伍爻錯簡更正。

大畜

初二五上。肆爻錯簡更正。

頤

初二三五上。伍爻錯簡更正。

大過

初二三四五。伍爻錯簡更正。

坎

初二四五上。伍爻錯簡更正。

離

初三四。叁爻錯簡更正。




以上拾陸卦。每卦陸爻。核計玖拾陸  
爻。其中錯簡共陸拾捌爻。本孔子之  
十傳考究更正。以還周公之舊。以拯  
歷儒之失。



周易逢原上經

卷之二

虎文馮光炳著



謙亨君子有終

有大者不可以盈故受之以謙謙者德之柄也為卦

內卦艮者止也乃君子有諸已也外卦卑法地乃君子有而不自居也故曰謙謙以制禮亨者嘉之會也嘉會足以合禮故曰亨謙尊而光故曰君子有終謙受益故曰謙亨君子有終詩云淑人象曰地中有山君子其德不回此之謂也



謙君子以裒多益寡稱物平施

地中有山乃石砌也

故曰地中有山謙取山之多益地之寡填水之多則山減水少而地增也故曰君子以裒多益寡稱物平施君子之道去留舒配故曰地中有山謙君子以裒多益寡稱物平施詩云是究是圖亶其然乎此之謂也



以艮變離謙之明夷

初六不富以其鄰利用侵伐無不利

五家為鄰



艮爲手。五指比鄰。故曰。其鄰。變離爲乾卦。故曰。不富。彼奪其民時。使不得耕耨。故曰。不富。以其鄰。變離爲戈兵。故曰。利用侵伐。彼陷溺其民。王往而征之。夫誰與王敵。故曰。無不利。夫仁者無敵。王請勿疑。故曰。不富。以其鄰。利用侵伐。無不利。詩云。君子如怒。亂庶遄沮。此之謂也。**象曰。利用侵伐。征不服也。**爲吏則可以伐之。故曰。利用侵伐。負固不服。則侵之。賊賢害民。則伐之。故曰。利用侵伐。征不服也。詩云。武王載旆。有虔秉鉞。此之謂也。





以艮變巽。自謙之升。

六二鳴謙貞吉。

變巽為風。故曰鳴謙。爾惟風。下民

惟草。故曰貞吉。君子之德風。小人之德草。

草上之風必偃。故曰鳴謙。貞吉。詩云。吉甫

作誦。其詩孔碩。其風肆好。

以贈申伯。此之謂也。

象曰。鳴謙貞吉。

中心得也。

仁聲入人深。故曰鳴謙。貞吉。善

讓以厚風俗。故曰鳴謙。貞吉。中心得也。明禮

云。吉甫作誦。穆如清風。仲山甫永懷以慰。



其心。此之謂也。

䷎ 以艮變坤。自謙之坤。

九三謙謙君子有終吉。

卦係地中有山謙。此又以艮變坤。坤

蓋艮上。仍是地中有山謙。故曰謙謙乃君子誠而不偽。抱真到底之謙也。故曰君子有終。堯讓舜。舜讓禹。以謙德相傳。故曰謙謙君子有終吉。詩云。淑人君子。懷允不忘。此之象曰。謙謙君子卑以自牧也。變坤為地。卑法



地。故曰。卑以自牧也。道愈高而心愈下。故曰。謙。謙。君子。卑以自牧也。詩云。嘉樂君子。顯顯令德。此之謂也。

䷎ 以坤變震。謙之小過。

六四。鳴謙。利用行師。征邑國。

變震為雷。故曰。鳴。以禮讓。

為國。故曰。鳴謙。坤眾變震動。故曰。行師。謙以制禮。乃一旅仁義之師。故曰。利用行師。坤為地。故曰。邑。變震驚百里。故曰。國。有不遵制禮者。則征之。故曰。征邑國。以禮為固。



以仁為勝。既勝之後。其教可復。故曰。鳴謙。  
利用行師。征邑國。詩云。密人不恭。敢拒大  
邦。王赫斯怒。爰整  
其旅。此之謂也。

象曰。鳴謙。志未得也。可

用行師。征邑國也。

苗民不率教。故曰。鳴謙。  
志未得也。先禮而後兵。

故曰。可用行師。征邑國也。夫謙。乃文修之  
卦也。有文修。必有武備。故曰。鳴謙。志未得  
也。可用行師。征邑國也。詩云。古訓是式。威  
儀是力。此之謂也。



以坤變坎。  
自謙之蹇。



六五勞謙君子用涉大川吉

變坎為勞卦故曰勞有功

而不伐故曰勞謙有功不伐唯君子能之故曰勞謙君子坤順變坎水能順水之性故曰用涉大川則故而已矣故者以利為本故曰吉若禹之行水行其所無事也故曰用涉大川吉子曰有功而不伐厚之至也語以其功下人者也德言盛禮言恭謙也者致恭以存其位者也故曰勞謙君子用涉大川吉詩云豐水東注維禹之績此之謂也

象曰勞謙君子萬民服也

坤為眾變坎為水其



性下。故曰。萬民服也。澤水傲予。成允成功。  
惟汝賢。克勤于邦。克儉于家。惟汝賢。故曰。  
勞謙君子。汝惟不矜。天下莫與汝爭能。汝  
惟不伐。天下莫與汝爭功。故曰。勞謙君子。  
萬民服也。詩云。不懈于位。民之攸墜。此之  
謂也。



以坤變艮。  
自謙之艮。

上六無不利。撝謙。

變艮為手。故曰。撝手容。

艮手。乃順手從宜。隨身得便。如夫子之揖。  
所與立。左右手。衣前後。檐如也。趨進翼如。




也。故曰：無不利。撝謙。詩云：威儀抑抑。德音秩秩。此之謂也。

象曰：無不

利。撝謙不違則也。

中。君子之周旋中規，折旋中矩，故曰：不違則也。禮

儀嫻熟，習慣自然，故曰：無不利。撝謙不違則也。詩云：左之左之，君子宜之；右之右之，君子有之。維其有之，是以似之。此之謂也。



坤下  
震上

豫利建侯行師。

有大而能謙，必豫，故受之。豫者，和也。為卦內坤



文。外震武。文修武備。凡事豫則立也。故曰。豫。內卦坤爲地。外卦震驚。百里得百里之。地而君之。故曰。利建侯。內卦坤爲衆。故曰。師。外卦震者動也。故曰。行師。建侯以安良。行師以除暴。齊之以文。令之以武。是謂必取。故曰。利建侯。行師。昔之圖國家者。必先教百姓。而親萬民。有四不和。不和於國。不可以出軍。不和於軍。不可以出陣。不和於陣。不可以進戰。不和於戰。不可以決勝。是以有道之主。將用其民。必先和而後造。大事也。天時不如地利。地利不如人和。夫豫乃人和之卦也。故曰。豫。利建侯。行師。詩云。



克


濟濟多士。克廣德心。此之謂也。

象曰：雷出地奮，豫。先王以

作樂崇德，殷薦之上帝，以配祖考。

雷出地奮，乃陽

氣暢發。春光明媚，艷陽之時也。故曰：雷出地奮，豫。鳥乃鳴，春樂以和神。故曰：先王以作樂崇德，殷薦之上帝，以配祖考。天地有春，發如君子有孝子也。故曰：雷出地奮，豫。先王以作樂崇德，殷薦之上帝，以配祖考。詩云：率見昭考，以孝以享，此之謂也。



以坤變震。自豫之震。



初六由豫大有得勿疑朋盍簪。

卦係雷出地奮豫此

爻以坤變震震蓋坤上自成仍是雷出地奮豫故曰由豫樂民之樂者民亦樂其樂故曰由豫大有得坤為衆故曰朋坤屬土主信故曰勿疑朋變震為簪故曰簪民附仁主如髮總於簪故曰盍簪惟民歸于一德故曰勿疑朋盍簪得乎邱民而為天子故曰由豫大有得勿疑朋盍簪詩云予曰有疏附予曰有先後予曰有奔奏予曰有禦侮此象曰由豫大有得志大行也

中天而下而



立。定四海之民。君子樂之。故曰。由豫。大有得。得百里之地。而君之能以朝諸侯。有天下。故曰。由豫。大有得。志大行也。詩云。時邁其邦。昊天其子之。此之謂也。



以坤變坎。自豫之解。

六二。盱豫悔。遲有悔。

變坎為水。明一作而不。兩乃眇。能視。觀望。

不前。故曰。盱豫悔。變坎為水。便一下而不。上乃跛。能履。裹足難進。故曰。遲有悔。見機而作。不作。量可而進。不進。轉眼之間。機會錯過。此之謂不豫。則廢。故曰。盱豫悔。遲有。



悔詩云天步艱難之子不猶此之謂也

象曰盱豫有悔位不

當也

坤西南變坎正北斜而勢逆故曰位不當也庸人才短不能隨機應變見

利而不知進故曰盱豫有悔位不當也詩云我馬瘠矣我僕痡矣此之謂也



以坤變艮豫之小過

六三介于石不終日貞吉

變艮為小石故曰石坤順變艮

止順而止之觀象也乃日晷測影度故曰介于石變艮東北乃日在西南未申針影



周易逢原上經

豫

歷暑上東北也。故曰：不終日。太陽不沒，則暑上總有影測時。故曰：不終日貞吉。君子見幾而作，不俟終日。豫之時義大矣哉。時哉，弗可失。故曰：介于石，不終日貞吉。詩云：自古在昔，先民有作，此之謂也。象曰：不終日貞吉，以中正也。針在暑之當中，故曰：以中正也。影在太陽之對照，故曰：不終日貞吉，以中正也。詩云：定之方中，作于楚宮，揆之以日，作于楚室。此之謂也。



以震變坤  
自豫之坤



九四鳴豫凶。

震為雷。動則有聲。故曰鳴。言非禮義。謂之自暴。故曰鳴豫。

驕泰以失之。故曰凶。傲不可長。欲不可縱。

志不可滿。樂不可極。長傲取禍。縱欲惟危。

志滿招損。樂極生悲。故曰鳴豫凶。詩云。匪

我言髦爾。用憂謔多。將熇熇不可救藥。此

之謂也。象曰。九四鳴豫。志窮凶也。小人得志。

也。故曰。九四鳴豫。舉趾高。心不固矣。故曰。九

四鳴豫。志窮凶也。詩云。天之方難。無然憲

憲。天之方蹶。無然泄泄。此之謂也。

謂也。





以震變兌  
自豫之萃

六五貞疾恒不死

變兌為口。病從口入。故曰。疾。震變兌。澤中有雷。


隨。君子以嚮晦入宴息。乃善養也。故曰。貞。疾。苟得其養。無物不長。故曰。恒不死。人之有德。慧術智者。恒存乎疾。疾。故曰。貞。疾。恒不死。詩云。如切如磋。如琢如磨。此之謂也。

象曰。六五貞疾乘剛也。恒不死中未亡也。

震變兌。兌柔蓋上。震剛。故曰。六五貞疾。乘剛也。震正東之中。動變兌。正西之中。故曰。



恒不死。中未亡也。操則存。故曰。六五貞疾。乘剛也。恒不死。中未亡也。詩云。愷悌君子。令德壽愷。此之謂也。



以震變離。自豫之晉。

上六冥豫。成有渝。無咎。

震為玄黃。故曰冥。以逸豫滅厥德。故

曰冥。豫變離為文明。乃猛然省悟也。故曰成有渝。改而悔過。故曰無咎。如太甲既往。背師保之訓。弗克于厥初。尚賴匡救之德。圖惟厥終。聖人不罪悔過之人。故曰冥豫。



成有渝。無咎。詩云。無已。太康。職思其憂。此之謂也。

象曰。冥豫在上。

何可長也。

曰。震雷離火。皆是動而上之象。故

有時而昏。故曰。冥。豫在上。何可長也。詩云。不我以。其後也。悔。此之謂也。



兌上。震下。

隨。元亨利貞。無咎。

豫必有所隨。故受之以隨。隨者從也。為卦內卦


震為龍。外卦兌為澤。有雲從龍之象。故曰。隨。龍所以代天宣化。故曰。元亨利貞。人分



東西南北。因地隨俗。時辨春夏秋冬。因宜  
隨事。後天而奉天時。故曰。隨。元亨利貞。王  
天下有三重焉。其寡過矣乎。故曰。無咎。歲  
月日時無易。百穀用成。乂用明。俊民用章。  
家用平康。故曰。隨。元亨利貞。無咎。詩  
云。昊天有成命。二后受之。此之謂也。象曰。  
澤中有雷。隨。君子以嚮晦入宴息。澤中有  
雷。乃日  
入西海。火投水內之聲也。故曰。澤中有雷  
隨。日入則息。故曰。君子以嚮晦入宴息。陽  
氣潛藏。吾善養吾浩然之氣也。故曰。澤中  
有雷。隨。君子以嚮晦入宴息。詩云。爾受命



長矣。弗祿爾康矣。愷悌君子。俾爾彌爾性。純嘏爾常矣。此之謂也。



以震變坤。自隨之萃。

初九。官有渝。貞吉。出門交有功。

震為龍。乃神明不測。

之物。於人乃心為君主之官。神明出焉。故曰。官。變坤地屬土。土主思。思則得之。故曰。官有渝。先立乎其大者。則其小者不能奪也。故曰。官有渝。貞吉。震位正東。乃日出而作之方。故曰。出門。變坤為利西南得朋。故曰。交有功。出門如見大賓。使民如承大祭。



已所不欲。勿施於人。故曰。出門交有功。君子有諸已。而後求諸人。故曰。官有渝。貞吉。出門交有功。詩云。無怨無惡。率由群匹。此之謂也。

象曰。官有渝。

從正吉也。出門交有功。不失也。

有大人者。正已而物。

正者也。故曰。官有渝。從正吉也。有天子民者。達可行於天下。而後行之者也。故曰。出門交有功。不失也。言舉斯心。加諸彼而已。故曰。官有渝。從正吉也。出門交有功。不失也。詩云。維此王季。因心則友。此之謂也。





以震變兌  
自隨之兌

六二係小子失丈夫隨有求得

震長變兌  
少從其小

體為小人故曰係小子失丈夫卦係澤中

有雷隨此文以震變兌兌蓋震上仍是澤

中有雷隨抄錄成文照影寫倣故曰隨有

求得耳目之官不思而蔽於物物交物則

引之而已矣故曰係小子失丈夫隨有求

得詩云維邇言是聽維邇言是爭此之謂

也

象曰係小子弗兼與也

其才只可聞一  
知一不能聞一



知二。故曰。弗兼與也。若告訴兩件事。則必忘却一件事。故曰。係小子。弗兼與也。詩云。嗚呼小子。未知臧否。此之謂也。



以震變離。  
自隨之革。

六三。隨有獲。貞凶。有孚在道。以明何咎。

震動

變離明。動而不括。故曰。隨有獲。變離為戈。兵。故曰。貞凶。以征伐而有天下。故曰。隨有獲。貞凶。先是震為大塗。正而不譎。故曰。有孚在道。後變離為文明。名正言順。故曰。以



明何咎。為天吏則可以伐之。為士師則可以殺之。故曰。隨有獲。貞凶。有孚在道。以明何咎。詩云。天命降監。象曰。隨有獲。其義凶。下民有嚴。此之謂也。

也有孚在道。明功也。

彷彿以強壓弱。故曰。隨有獲。其義凶也。究

竟除暴救民。故曰。有孚在道。明功也。成湯討桀。而夏民喜悅。周武伐紂。而殷人不非。故曰。隨有獲。其義凶也。有孚在道。明功也。詩云。天監在下。有命既集。此之謂也。



以兌變坎。自隨之屯。



九四孚于嘉吉。

以兌為口。變坎為耳。開口入耳。其為人也。從諫。故曰。

孚。從諫則嘉言。罔攸伏。故曰。孚于嘉。嘉言罔攸伏。則野無遺賢。故曰。吉。子路聞人言。過則喜。禹聞善言則拜。大舜有大焉。善與人同。舍己從人。樂取與人為善。故曰。孚于嘉。吉。詩云。人之好我。示我周行。此之謂也。象曰。孚于嘉吉。位正中也。變坎位正北。故曰。位正中也。后從諫則聖。故曰。孚于嘉吉。位正中也。詩云。王此大邦。克順克比。此之謂也。



䷐

以兌變震  
自隨之震

九五係丈夫失小子利居貞

兌少變震長  
從其大體為

大人故曰係丈夫失小子有大人之事乃

勞其心者也故曰利居貞學也者祿在其

中矣故曰係丈夫失小子利居貞詩

云係茲天子生仲山甫此之謂也

象曰

係丈夫志舍下也

君子上達故曰志舍下

大受也故曰係丈夫志舍下也詩云鳳凰

鳴矣于彼高岡此之謂也





以兌變乾。隨之無妄。

上六拘係之乃從維之王用享于西天。


乾變

為天。日月星辰繫焉。故曰拘係之。乾為圜。二十八宿。圍繞於周天三百六十五度。故曰乃從維之。兌悅。變乾君。故曰王用享。兌西。變乾天。故曰西天。仲秋寅饑。納日。故曰王用享于西天。隨時之義大矣哉。故曰拘係之。乃從維之。王用享于西天。詩云。我將我享。維羊維牛。維天其右之。此之謂也。

象曰拘係之上穹也。



上天穹窿高遠故曰上穹也萬物覆焉故曰拘係之上穹也詩云皇矣上帝臨下有赫此之謂也



巽下艮上

蠱元亨利涉大川先甲三日後甲三日

以喜

咬

隨人者必有事故受之以蠱蠱者事也為卦艮山被巽風入穿如器皿被風蟲咬壞故曰蠱夫蠱乃下元甲子之亂到上元甲子則治也故曰元亨艮手巽風以手弄風



有船火兒搖櫓之象。故曰：利涉大川。夫治  
蠱之道，必涉險被創，危然後安。故曰：蠱元  
亨。利涉大川。艮居東北，故曰：先甲。巽位東  
南，故曰：後甲。十干加十二支，先是甲子，甲  
戌，甲申，故曰：先甲三日。以分中，後是甲午，  
甲辰，甲寅，故曰：後甲三日。以還元，甲子至  
癸亥，癸亥而又甲子，終則有始，天行也。故  
曰：先甲三日，後甲三日。有王者作，亂極則  
治，萬年天子歷一統，正朔元，故曰：蠱元亨。  
利涉大川。先甲三日，後甲三日。詩云：肆于  
時夏。允王保之。此之謂也。

象曰：山下有風，蠱。君子以振



民育德

山下有風。乃禽獸之風也。故曰。山

逸居而無教。則近於禽獸。聖人有憂之。使契爲司徒。教以人倫。故曰。君子以振民育德。猩猩能言。不離禽獸。鸚鵡能言。不離飛鳥。人而無禮。雖能言。不亦禽獸之心乎。是以聖人作爲禮。以教人。使人以有禮。知自別於禽獸。故曰。山下有風。蠱。君子以振民育德。詩云。愷悌君子。遐不作人。此之謂也。



以巽變乾。  
蠱之大畜。



初六。幹父之蠱。有子。考無咎。厲終吉。

夫蠱則飭

也。乃後理前遺之卦也。故曰。幹父之蠱。以  
巽變乾。乾道成男。故曰。有子。功歸于親。功  
親過已。故曰。考無咎。武王曰。予克受。非予  
武。惟朕文考無罪。受克予。非朕文考有罪。  
惟予小子無良。故曰。有子。考無咎。變乾為  
父。為寒。乃嚴父也。故曰。厲。嚴父多出令子。  
故曰。厲終吉。無憂者。其惟文王乎。以王季  
為父。以武王為子。父作之。子述之。故曰。幹  
父之蠱。有子。考無咎。厲終吉。詩云。長子維  
行。篤生武王。保佑命爾。變伐大商。此之謂




也。

象曰。幹父之蠱。意承考也。

巽入變乾健。故曰。意承考。

也。夫孝者。善繼人之志。善述人之事。故曰。幹父之蠱。意承考也。詩云。威儀孔時。君子有孝子。此之謂也。



以巽變艮。自蠱之艮。

九二。裕父之蠱。往見吝。

卦係山下有風蠱。此爻以巽變艮。艮

蓋巽上。仍是山下有風蠱。蠱上加蠱。是不能幹而反裕之。故曰。裕父之蠱。此爻一動



甚劣。成事不足。壞事有餘。故曰。往見吝。若  
考作室。既底法。厥子乃弗肯堂。矧肯構。厥  
父蓄厥子。乃弗肯播。矧肯穫。故曰。裕父之  
蠱。往見吝。詩云。老夫灌灌。小子蹻蹻。此之  
謂也。**象曰。裕父之蠱。往未得也。**變艮。少男。頑  
以有為。故曰。往未得也。巽。雞。變。艮。狗。敗家  
之子。無非工於鬪。雞走犬而已。故曰。裕父  
之蠱。往未得也。詩云。嗚呼小子。未知臧否。  
此之謂也。



以巽變坎。  
自蠱之蒙。



九三。幹父之蠱。小有悔。無大咎。

巽為風。乃事父母幾。

諫也。故曰。幹父之蠱。變坎為心病。為耳痛。乃父母不豫也。故曰。小有悔。坎為水性下。坎為勞卦。乃見志不從。又敬不違。勞而不怨也。故曰。無大咎。家有諍子。其父不失命。名。故曰。幹父之蠱。小有悔。無大咎。詩云。孝子不匱。永錫爾類。此之謂也。

象曰。

幹父之蠱。終無咎也。

終變是坎為隱伏。事親有隱而無犯。故曰。

終無咎也。舜盡事親之道。而瞽叟底豫。故曰。幹父之蠱。終無咎也。詩云。不我以其後。



也悔此之謂也



以艮變離  
自蠱之鼎

六四。幹父之蠱。用譽。

成言乎艮。乃孝子之善繼善述也。故曰。幹

父之蠱。變離為文明。故曰。用譽。立身行道。揚名於後世。以顯父母。故曰。幹父之蠱。用

譽。詩云。孝子不置。永錫爾類。此之謂也。

象曰。幹父用譽。承以

德也。

有蠱則幹而掩之。有德則承以顯之。故曰。幹父用譽。不顯哉。文王謨。丕承



哉。武王烈。佑啓我後人。咸以正無缺。故曰。幹父用譽。承以德也。詩云。永言孝思。孝思維則。此之謂也。



以艮變巽。自蠱之巽。

六五不事王侯高尚其事。

變巽爲風。風以散之。乃無拘無

束。不受人轄之客也。故曰。不事王侯。變巽爲高。故曰。高尚。夫蠱乃亂世之卦也。苟全性命於亂世。不求聞達於諸侯。隱居以求其志。行義以達其道。故曰。高尚其事。此爻



以良變巽。自成山上有木漸。君子以居賢  
德善俗。上不臣天子。下不事諸侯。而不好  
臣。其所受教。輔世長民。莫如德。以德則子  
事我者也。故曰。不事王侯。高尚其事。詩云。  
所謂伊人。於焉。象曰。不事王侯。志可則也。  
嘉客。此之謂也。伯夷。非其君不事。非其友不友。故曰。不事  
王侯。聞伯夷之風者。頑夫廉。懦夫有立志。  
故曰。志可則也。君子依乎中庸。遯世不現。  
知而不悔。唯聖者能之。聖人百世之師。故  
曰。不事王侯。志可則也。詩云。愷悌君子。四  
方維則。此之謂也。






以艮變坤  
自蠱之升

上九。幹母之蠱，不可貞。

變坤為母。故曰。幹母之蠱。子難。幹母

之敝壞。故曰。不可貞。門內之情。恩掩義。故曰。幹母之蠱。不可貞。詩云。中冓之吉。不可詳也。此象曰。幹母之蠱。未順命也。順命則之謂與。不義。故曰。未順命也。內言。不出於閫。故曰。幹母之蠱。未順命也。詩云。我聞有命。不敢以告人。此之謂也。





兌下。坤上。

臨元亨利貞至于八月有凶。

蠱者事也。有事然後可大。

故受之以臨。臨者大也。為卦澤上有地。乃富有四海之內也。故曰臨。四海之內有東南西北之四距。故曰元亨利貞。天子五載一巡狩。故曰臨。元亨利貞。夫臨乃丑月之卦也。八月乃周建子。未月之月也。丑月大寒冰方盛。到未月大暑冰盡消。故曰至于八月有凶。聖人作易。治治于未亂。保邦于未危。在巡狩已畢之際。懼以終始。故曰。




臨。元亨利貞。至于八月有凶。詩云。畏天之威。于時保之。此之謂也。

象曰。澤。

上有地。臨。君子以教思無窮。容保民無疆。

澤上有地。海外亦可平土也。有土則有民。有民則有君。故曰。澤上有地。臨。聖人之道。達於薄海內外。故曰。君子以教思無窮。容保民無疆。是以聲名洋溢乎中國。施及蠻貊。故曰。澤上有地。臨。君子以教思無窮。容保民無疆。詩云。相土烈烈。海外有截。



以兌變坎。自臨之師。



初九至臨無咎


變坎為水。水無有不下。故曰。至於人。為勇往從事。故

曰。至臨。比於由也。果於從政乎。何有。故曰。至臨。無咎。詩云。龜勉從事。不敢告勞。此之

謂也。象曰。至臨無咎。志行正也。

變坎位正北。故曰。志行正也。

也。以佚道使民。雖勞不怨。故曰。至臨無咎。志行正也。詩云。雖則劬勞。其究安宅。



以兌變震。自臨之復。

九二咸臨貞吉

變震為雷。聲鳴最速。故曰。咸。於人為敏捷從事。故曰。




咸臨。比於賜也。達於從政乎何有。故曰。咸臨。貞吉。詩云。大夫不均。我從事獨賢。此之

謂也。象曰。咸臨貞吉。得中道也。兌正西。變震

中道也。以生道殺民。雖死不怨殺者。故曰。咸臨貞吉。得中道也。詩云。經始勿亟。庶民

子來。此之謂也。

以兌變乾。自臨之泰。

六三。智臨大君之宜吉。變乾為天。其仁如天。其智如神。故曰。



智。唯天下至聖。唯能聰明睿智。足以有臨也。故曰。智臨。變乾為君。故曰。大君。從兌為口。變來。乃好問之君也。故曰。大君之宜。舜其大智也。與。舜好問而好察。通言。隱惡而揚善。執其兩端。用其中於民。其斯以為舜乎。故曰。智臨。大君之宜。吉。詩云。宜民宜人。受祿于天。象曰。大君之宜。行中之謂也。此之謂也。為圓。圓則無止。故曰。行。乾為天。天則無往而不中。故曰。行中之謂也。惟天佑民以中。惟辟奉天。亦以中。故曰。大君之宜。行中之謂也。詩云。攜無曰。益。牖民孔易。此之謂也。





以坤變震  
臨之歸妹

六四咸臨吉無不利。

變震為雷應聲最速。故曰咸。坤變震順以

動豫於人為樂民之樂。故曰咸臨樂民之

樂者民亦樂其樂。故曰吉無不利。今王與

百姓同樂則王矣。故曰咸臨吉無不利。詩

云鎬京辟廂自西自東自南自北無思不

服此之。象曰咸臨吉無不利位當也。變震

謂也。驚百

里得百里之地而君之。故曰位當也。以德

行仁者王。故曰咸臨吉無不利位當也。詩



云時邁其邦。昊天其子之。此之謂也。



以坤變坎。自臨之節。

六五甘臨。無攸利。既憂之。無咎。

坤為地。土爰稼穡。稼穡。

穡作甘。故曰甘。於人為耕。獲從事。故曰甘。臨。變坎為水。水滂成災。故曰無攸利。耕也者。餒在其中矣。故曰甘臨。無攸利。變坎為加憂。故曰憂。終日不食。終夜不寢。以思。故曰既憂之。無益。不如學也。故曰無咎。學也者。祿在其中矣。故曰既憂之。無咎。君子謀。



道不謀食。憂道不憂貧。故曰甘臨。無攸利。  
既憂之。無咎。詩云。知我者。謂我心憂。不知  
我者。謂我何求。此之謂也。


象曰甘臨位不當也既憂

之咎不長也

先是坤西南致役之方終為  
勞其力之人役故曰甘臨位

不當也。後變坎正北。勞心之位。變成勞其  
心之人師。故曰既憂之。咎不長也。體有貴  
賤。有小有小。大無以小害大。無以賤害貴。故曰  
甘臨。位不當也。既憂之。咎不長也。詩云。心  
之憂矣。其誰知之。其誰知之。蓋亦勿思。此  
之謂也。





以坤變艮。自臨之損。

上六敦臨吉無咎。

變艮為山。故曰敦。仁者樂山。故曰敦臨。仁者靜。

故曰敦臨吉。仁者壽。故曰吉。無咎。坤地變

艮山。安土敦乎仁。故能愛。故曰敦臨吉。無

咎。詩云。天保定爾。亦

孔之固。此之謂也。

象曰敦臨之吉志在


內也。

克己復禮。故曰志在內也。君子敦厚

云如山如阜如崗如陵。此之

謂也。





坤下  
巽上

觀盥而不薦有孚顒若

臨者大也。物大然後可觀。故受之以

觀。觀者觀也。為卦下坤象。上巽高。有眾仰

高。故曰觀。內卦坤為釜。中互艮為手。上卦

巽為潔齊。有臨祭盥手之象。故曰盥而不

薦。坤土主信。故曰有孚。巽高則仰。故曰顒

若。祭如在。祭神如神在。故曰有孚顒若。祭

思敬。故曰觀盥而不薦。有孚顒若。詩云。神

之格。思不可度。思。矧

可數思。此之謂也。象曰。風行地上。觀先



王以省方觀民設教。風行地上。各土各俗。

聖人安集吏民。順俗而教。故曰。先王以省方。觀民設教。先王之制。順天之道。設地之宜。官民之德。而正名治物。故曰。風行地上。觀先王以省方。觀民設教。詩云。愷悌君子。遐不作人。此之謂也。



以坤變震。自觀之益。

初六觀我生進退。

坤順變震足。順其足。則禮儀嫻熟。進退有節。故



曰。生進退。夫觀乃祭祀之卦也。故六爻皆  
言祀事。凡祀事必有工祝致告。太常鳴贊。  
變震為鳴卦。乃唱禮之官也。故曰。觀我生  
進退。詩云。我孔熯矣。式禮莫愆。工祝致告。  
徂賚孝孫。象曰。觀我生進退未失道也。坤  
此之謂也。變震動順以動豫。故曰。未失道也。曰就  
則就位。曰鞠躬。則鞠躬。曰跪。則跪。曰叩首。  
則叩首。曰興。則興。曰禮畢。則禮畢。故曰。觀  
我生進退未失道也。詩云。卜爾百福。如幾  
如式。既齊。既稷。既匡。既救。此之  
謂也。





以坤變坎。自觀之渙。

六二闚觀利女貞。

變坎為水。水乃明。內鑑影之物也。故曰闚。雖婦

道亦有可觀焉。故曰觀。夫人致齋於內。則

對鏡修容。故曰闚觀。坤道成女。故曰女。變

坎為勞卦。故曰貞。坤順變坎勞。能順以為

勞。故曰利女貞。夫人蠶繅以為衣服。故曰

闚觀利女貞。詩云婦無公。象曰闚觀女貞。


事修其蠶織。此之謂也。象曰闚觀女貞。

亦可醜也。

醜類也。婦人對鏡。故曰闚觀女貞。鏡內即我。故曰亦可醜也。變



坎為水。人無于水鑑。于民鑑。故曰。闕觀女貞。亦可醜也。詩云。我心匪鑒。不可以茹。

以坤變艮。自觀之漸。

六三童觀。小人無咎。君子吝。

變艮為少男。故曰童。雖小。

道必有可觀焉。故曰。觀。坤順變艮手。順手。嫻熟。乃萬舞也。童子舞勺。成童舞象。故曰。童觀。小人不可大受。而可小知也。故曰。小人無咎。君子不可小知。而可大受也。故曰。君子吝。有力如虎。執轡如組者。不去左手。執籥。右手秉翟。故曰。童觀。小人無咎。君子吝。



各。詩云。威儀棣棣。不  
可選也。此之謂與。

象曰。六三童觀。小人

道也。

從其小體為小人。故曰。小人道也。賢

者不得志而仕於伶官。故曰。六三童  
觀。小人道也。詩云。簡兮簡兮。方將萬舞。此  
之謂也。



以巽變乾。  
自觀之否。

六四觀國之光。利用賓于王。

變乾為君。故  
曰。國大觀在

上。故曰。觀國。其在宗廟朝廷。天子穆穆。諸  
侯皇皇。大夫濟濟。士蹻蹻。大有可觀。故曰。



觀國之光。先是巽為外來之風。故曰賓。後變乾為君。故曰王。天子有祀事。諸侯來助祭。故曰利用賓于王。物大然後可觀。大不過郊社之禮。禘嘗之義也。故曰觀國之光。利用賓于王。詩云。有來雖。雖至止。肅肅相維辟公。天子穆穆。此之謂也。

象曰

觀國之光尚賓也

巽為高。為風。景仰高風。故曰尚賓也。庸建爾于

上公。作賓于王家。故曰觀國之光尚賓也。詩云。我有嘉客。亦不夷懌。此之謂也。



以巽變艮。自觀之剝。



九五觀我生君子無咎

變民為山居者為主故曰我艮為三

索而得男乃曾孫也曾祖係祭主故曰觀

我生曾孫維主從巽為君子之德風變來

故曰君子無咎變艮為門闕艮數七有

天子七廟之象七世之廟可以觀德萬夫之

長可以觀政故曰觀我生君子無咎詩云

王配于京世德作求永言配命成王之孚

此之謂也

象曰觀我生志未平也

變艮為山乃

謂也

曰志未平也無安厥位惟危故曰觀我生

志未平也詩云天難諶斯不易維王





以巽變坎  
自觀之比

上九觀其生君子無咎

變坎為水流去指  
他故曰其變坎為

水水流下乃下觀而化也故曰觀其生亦

是從巽為君子之德風變來故亦曰君子

無咎慎終追遠民德歸厚矣故曰觀其生

君子無咎詩云愷悌君子維民之則此之

謂象曰觀其生觀民也

聖人以神道設教而民服矣故曰觀


民也君子篤於親則民興於仁故舊不遺

則民不偷故曰觀其生觀民也詩云爾之



以明庶政無敢折獄山下有火山上飾輝

華不一可效繁文縟節變態多端難決毫  
無疑義故曰君子以明庶政無敢折獄不  
得將無作有豈可以虛求實故曰山下有  
火賁君子以明庶政無敢折獄詩云天子  
是毗俾民不迷此之謂也

  
以離變艮  
自賁之艮

初九賁如濡如永貞吉離為火變艮為小  
石近朱者赤故曰



濡如。石乃涅而不緇之物。故曰。賁如濡如。石乃耐久恒堅之物。故曰。永貞吉。好一塊映紅寶石。色能變水。故曰。賁如濡如。永貞吉。詩云。以介眉壽。永言保之。此之謂也。

**象曰。永貞之吉。終莫之陵也。**所抱本來真色。不比染而退顏。故曰。終莫之陵也。唯大英雄能本色。是真寶石。永鮮紅。故曰。永貞之吉。終莫之陵也。詩云。淑人君子。其儀一兮。此之謂也。



以離變乾。  
賁之大畜。



六二賁其須駁馬翰如。

以陰爻變成陽爻。如鳥獸由希革而

毛毼也。故曰須。刷染皮毛。故曰賁其須。變

乾為駁馬。故曰駁馬。從離為火。變來近朱

者赤。故曰翰如。好一匹棗騮赤兔。然而

是花斑染成。故曰駁馬。翰如。文勝質則史。故

曰賁其須。駁馬。翰如。詩云。彼其之子。美如

英。美如英。殊異乎公行。此之謂也。故曰

象曰賁其須與上興也。

從其賁於外。故曰與上興也。認假不

認真。識表不識裏。被人裝哄。故曰賁其須。

與上興也。詩云。舍旃舍旃。苟亦無然。





以離變震  
自賁之頤

九三賁其趾舍車而徒

變震為足故曰趾  
從離火變來朱履

飾足故曰賁其趾

以離為火動而上變成

震為足動而下故曰

舍車而徒與其身麗

危車何如腳踏實地

故曰賁其趾舍車而

徒詩云

所謂伊人於焉逍遙此之謂也

象曰舍車而徒義弗乘也

安步可以當車故曰舍車而徒

車我所欲也義我所欲也

二者不可得兼

舍車而取義者也故曰

舍車而徒義弗乘



也。詩云。維此聖人。瞻言百里。此之謂也。



以艮變離。自賁之離。

六四賁如皤如匪寇婚媾。

皤。白蒿也。艮為山。草木生之。故

曰。皤如。艮山變離火。火行山上。草木焚焉。

故曰。賁如皤如。艮少男。變離中女。非匹偶

而相從。乃匪人盜寇所為。故曰。匪寇婚媾。

質勝文則野。故曰。賁如皤如。匪寇婚媾。詩

云。邂逅相遇。與子

象曰。六四當位疑也。匪

偕臧。此之謂也。



冠婚媾終無尤也

卦係山下有火賁。此文以艮變離。離蓋艮上自

成火行山上旅與本卦相反故曰六四當位疑也習俗成風故曰匪冠婚媾終無尤也世有頽風僻有汙俗笑貧不笑娼故曰六四當位疑也匪冠婚媾終無尤也詩云期我乎桑中要我乎上宮此之謂也

三三

以艮變巽賁之家人

六五白賁無咎

變巽為白故曰白賁白能受采故素故曰白賁白能受采故



曰。無咎。文質彬彬。然後君子。故曰。白賁。無咎。詩云。我觀之子。維其有章矣。此之謂也。象曰。白賁。無咎。上得志也。故曰。上得志也。其象乃君子務本。本立而道生。故曰。白賁。無咎。上得志也。詩云。顓顓卬卬。如圭如璋。愷悌君子。令聞令望。此之謂也。



以艮變坤。賁之明夷。

上九。賁于丘園。束帛戔戔。吝終吉。先是艮山。故曰。



邱。後變坤地。故曰。園。艮手變坤地。邱園有  
畦。有隴。縱橫成文。故曰。賁于邱園。艮其於  
木也。爲堅多節。乃桑也。桑所以出帛。故曰。  
束帛。變坤爲文。故曰。戔戔。束帛織花。有質  
而加文。故曰。束帛戔戔。變坤爲吝。吝。故曰。  
吝。農桑之家。以撙節爲尚。故曰。吝終吉。重  
農桑以足衣食。尚節儉以惜財用。故曰。賁  
于邱園。束帛戔戔。吝終吉。詩云。十畝之閒。  
兮。桑者閒閒兮。  
**象曰。上九之吉。有喜也。**  
此之謂也。老  
衣帛食肉。黎民不飢不寒。故曰。有喜也。以  
艮剛變坤柔。坤蓋艮上。柔來而文剛。故亨。



故曰。上九之吉。有喜也。詩云。饁彼南畝。田  
畯至喜。此之謂也。



艮上。坤下。

剝不利有攸往。

賁者飾也。致飾然後亨則  
盡矣。故受之以剝。剝者培

也。為卦下五盛陰。上一微陽。有縱人欲而  
滅天理之象。故曰剝。欲不可縱。縱欲惟危。  
故曰不利有攸往。下五陰。人心惟危也。上  
一陽。道心惟微也。一点靈光未盡。即人之  
所以異於禽獸也者。幾希。不往則為君子  
存之。若往則為廢民去之。則天良喪盡矣。



剝


故曰剝。不利有攸往。詩云：無縱詭隨。以謹無良。此之謂也。

象曰：山附

于地剝。上以厚下安宅。

山附于地，乃取山之石而為柱下之

礎也。故曰：山附于地，剝損上益下。故曰：上以厚下安宅。礎為宅本，本固宅安，民為邦本，本固邦寧。故曰：山附于地，剝上以厚下安宅。詩云：天保定爾，以孔之固。此之謂也。



以坤變震，自剝之頤。

初六剝牀以足，蔑貞凶。

坤道成女，故曰牀。浸潤之譖，膚受之




愬最切於枕牀。故曰剝牀。變震為足。故曰以足。在同牀抵足之際。間人手足。故曰剝。牀以足。夜聽妻孥之讒。日垂兄弟之誼。故曰。蔑貞凶。只因枕邊低聲巧。能使樽前大義薄。故曰剝牀以足。蔑貞凶。詩云。亂之初生。僭始既涵。此之謂也。

象曰剝

牀以足以滅下也。

妬婦欲唆人不孝父母。先譖人不和兄弟。故曰。

以滅下也。入門見嫉。由下而上。故曰剝牀以足。以滅下也。詩云。聿厥哲婦。為鴟為鴟。



以坤變坎。自剝之蒙。



六二剝牀以膚凶

變坎為血卦故曰以膚二八姤娥體似酥腰間

帶劍斬愚夫故曰剝牀以膚雖然未見人

頭落暗地教君骨髓枯故曰凶軟玉溫香

抱滿懷父精母血捏空壳故曰剝牀以膚

凶詩云民之貪亂寧為荼毒此之謂也

象曰剝牀以膚切近災也

坤地變坎水地

切近災也水過地皮濕陰貼陽身軟故曰

剝牀以膚切近災也詩云誰謂荼苦其甘

如薺此之

謂也





以坤變艮。自剝之艮。

六三剝牀以辨。蔑貞凶。

變艮為黔喙之屬。比於婦有長舌。故

曰。剝牀以辨。掩袖工讒。狐媚偏能惑主。故

曰。蔑貞凶。惟婦言是用。故曰。剝牀以辨。蔑

貞凶。詩云。婦有長舌。

象曰。剝牀以辨。失上

維厲之階。此之謂也。

下也。

卦係山附于地。剝。此爻以坤變艮。艮

剝。故曰。失上下也。賤妨貴。少陵長。遠間親。

新間舊。小加大。淫破義。故曰。剝牀以辨。失



也。上下也。詩云。赫赫宗周。褒姒威之。此之謂



以艮變離。自剝之晉。

六四剝之無咎。

變離為文明。浸潤之譖。膚受之愆。不行焉。可謂明也。

已矣。故曰剝之無咎。詩云。君如怒。亂庶遄沮。此之謂也。

象曰剝之無

咎未有與也。

去讒遠色。聞流言不信。無稽之言。勿聽。弗詢之謀。勿庸。故

曰。未有與也。放鄭聲。遠佞人。鄭聲淫。佞人殆。是故惡夫佞者。故曰剝之無咎。未有與



也。詩云。愷悌君子。無信讒言。此之謂也。



以艮變巽。自剝之觀。

六五。貫魚以宮人寵。無不利。

變巽者入也。故曰。貫。巽為


進退。故曰。魚。巽為勿用。取女。故曰。宮人。選宮人入公宮。魚貫而入。故曰。貫。魚以宮人。艮止。變巽入止而巽動。不窮。無易妾為妻。不使賤妨貴。故曰。寵。無不利。變巽為不果。寵而不驕。故曰。貫。魚以宮人寵。無不利。詩云。肅肅宵征。夙夜在公。寔命不同。此之謂



也。象曰：以宮人寵終無尤也。

艮手變巽工以手工為尚。

故曰：以宮人寵。宮人總是用其剝焉。故曰：以宮人寵。終無尤也。詩云：不僭不濫，不敢迨遑。此之謂也。

以艮變坤。自剝之坤。

上九碩果不食，君子得輿，小人剝廬。

艮為果，為廬。

故曰：果。剝乃九月之卦也。葉老歸秋，乃堅核足實，可以留種之果也。故曰：碩果。變坤。



為萬物資生。故曰：不食。艮為果蓏。變坤為地。以埋之。乃剝窮上反下也。故曰：碩果不食。變來坤為大輿。故曰：得輿。動去艮為門闕。故曰：剝廬。君子以厚下之心為心。終得自厚。故曰：君子得輿。小人以剝上之心為心。終必自剝。故曰：小人剝廬。艮為果蓏。果中有核。仁也。君子存仁。小人去仁。故曰：碩果不食。君子得輿。小人剝廬。詩云：維此惠君。民人所瞻。秉心宣猶。考慎其相。維彼不順。自獨俾臧。自有肺腸。俾民卒狂。此之謂也。


**象曰：君子得輿。民所載也。小人剝廬終**



不可用也

君子上以厚下。故曰：君子得輿。民所載也。小人下以援上。故曰：

小人剝廬終不可用也。君子樂得為君子。小人枉自為小人。故曰：君子得輿。民所載也。小人剝廬終不可用也。詩云：維此良人，作為式穀。維彼不順，征以中垢。此之謂也。



震下坤上

復亨。出入無疾，朋來無咎。反復其道，七日

來復。利有攸往。

剝者剝也。物不可以終盡。剝窮上反下，故受之以復。



復者反也。爲卦上五陰。下一陽。乃一陽來復。有我欲仁。斯仁至矣之象。故曰復。克己復禮。故曰復。亨。震者動也。故曰出。坤者靜也。故曰入。爲仁由己。故曰出入無疾。坤爲衆。故曰朋。震爲足。故曰來。一日克己復禮。天下歸仁焉。故曰朋來無咎。復而姤。姤而復。故曰反復其道。知來者逆。自午至子。故曰七日來復。數往者順。從子到午。故曰利有攸往。復者德之本也。故曰復。亨。出入無疾。朋來無咎。反復其道。七日來復。利有攸往。詩云。夙夜基命。宥密於緝熙。象曰。雷在單。厥心。肆其靖之。此之謂也。

象曰雷在



地中復先王以至日閉關商旅不行后不



省方。雷在地中。乃一陽初動也。故曰。雷在

先王以至日閉關。商旅不行。后不省方。事

欲靜。以待陰陽之所定。故曰。雷在地中。復

先王以至日閉關。商旅不行。后不省方。詩

云。敬天之渝。無敢馳驅。此之謂也。

以震變坤。  
自復之坤。

初九不遠復無祇悔元吉。

卦係雷在地中。復。此文以震變



坤。坤蓋震上。自成仍是雷在地中復。故曰。不遠復。於人為牯之反復。夜氣仍存。故曰。無祇悔。動變不失本真。故曰。元吉。子曰。顏氏之子。其殆庶幾乎。有不善未嘗不知。知之未嘗復行也。故曰。不遠復。無祇悔。元吉。詩云。不聞亦式。不諫亦入。此之謂也。象曰。不遠之復。以從道也。形色天性也。唯踐形。故曰。不遠之復。以去夫外誘之私。而充其本然之善。故曰。以從道也。反復其道。七日來復。故曰。不遠之復。以從道也。詩云。永言配命。自求多福。此之謂也。





以震變兌。自復之臨。

六二休復吉。

以震雷變兌澤。澤中有雷。隨。君子以嚮晦入宴息。故曰休。

我善養吾浩然之氣。故曰休復。苟得其養。無物不長。故曰吉。養心莫善於寡欲。故曰

休復吉。詩云。伴奭爾游矣。優游爾休矣。愷

悌君子。俾爾彌爾性。似先公酋矣。此之謂

也。

象曰休復之吉以下仁也。


其為人。也寡欲。雖有不存

焉者。寡矣。故曰休復之吉。其心休休焉。其

如有容焉。是乃仁術也。故曰休復之吉。以



也。下仁也。詩云。愷悌君子。千祿愷悌。此之謂



以震變離。復之明夷。

六三。頻復。厲無咎。

變離數三。一而再。再而三。故曰。頻。變離為日。苟

日新。日日新。又日新。故曰。頻復。離為火。嚴不可狎。故曰。厲。盛德不狎侮。故曰。厲無咎。操則存。舍則亡。出入無時。莫知其鄉。惟心之謂與。故曰。頻復。厲無咎。詩云。悠哉悠哉。輟轉反側。象曰。頻復之厲。義無咎也。學問此之謂也。



無他。求其放心而已矣。故曰。頻復之厲。有  
放心而知求。故曰。頻復之厲。義無咎也。詩  
云。淑人君子。懷允不忘。此之謂也。



以坤變震。  
自復之震。

六四迷復凶。有災眚。用行師。終有大敗。以

其國君凶。至于十年不克征。

變震為玄黃。乃天地之雜。

也。故曰。迷變震為雷。乃出而不返之象。於  
人為有放心而不知求。故曰。迷復。有放心



而不知求哀哉。故曰：迷復凶。卦係雷在地中復。此文以坤變震自成。雷出地奮豫。乃仲冬行夏令。則其國乃旱。氛霧冥冥。故曰：有災眚。坤爲衆。變震者動。故曰：用行師。起大衆。是謂發天地之房。諸蟄乃死。民必疾疫。故曰：終有大敗。坤爲地。變震驚百里。故曰：國得百里之地。而君之。故曰：君逆天之。時妄動。無名之師。乃無道之君也。故曰：以其國君凶。復乃子卦。此變震卯。自卯再反。子歷十地支。故曰：十年一敗塗地。銳氣大損。故曰：至于十年不克征。喪心者死。逆天者亡。故曰：迷復凶。有災眚。用行師。終有大



敗以其國君凶。至于十年不克征。詩云。不  
弔昊天。不宜空我師。此之謂也。

象曰。迷復之凶。反君道也。

君道奉天。此君  
逆天。故曰。反君

道也。不仁者。以其所不愛。及其所愛。故曰。  
迷復之凶。反君道也。詩云。昊天不傭。降此  
鞠訕。昊天不惠。降此大戾。此之  
謂也。




以坤變坎。  
自復之屯。

六五中行獨後。

變坎位正北。故曰。中。坎為  
水。故曰。行。水其為物不貳。



故曰獨夫。復乃子月之卦也。唯此文能變  
坎正北子位。故曰獨復。致中和。天地位焉。  
故曰中行獨復。詩云不顯。象曰中行獨復。  
亦臨無射亦保。此之謂也。  
中以自考也。君子之所不可及者。其唯人  
內省不疚。無惡於志。故曰中以自考也。復  
以自知。復小而辨於物。故曰中行獨復。中  
以自考也。詩云敬之敬之。天維顯思。此之  
謂也。



以坤變艮。  
自復之頤。



上六敦復無悔

坤地變艮山止其所也故曰敦安土敦乎仁故曰敦

復安土敦乎仁故能愛故曰無悔仁者樂

山仁者靜仁者壽故曰敦復無悔詩云天

保定爾亦孔之

象曰敦復無悔以修身也

固此之謂也

復者德之本也守身守之本也故曰以修

身也智者自知仁者自愛故曰敦復無悔

以修身也詩云凡百君子各敬爾身此之

謂也

三三

震下乾上



無妄元亨利貞其匪正有眚不利有攸往  
復則不妄矣故受之以無妄無妄者誠也  
為卦下震動上應乾天有動合天理之象  
故曰無妄人有仁禮義智之四德合乎天  
有春夏秋冬之四時也故曰元亨利貞即  
堯舜性之也湯武反之也故曰無妄元亨  
利貞若有所忿懣恐懼好樂憂患皆不得  
其正故曰其匪正所謂誠其意者毋自欺  
也故曰其匪正有眚揜其不善而著其善  
人之視已如見其肺肝然則何益矣故曰  
不利有攸往五霸假之也久假而不歸惡



無妄

知其非有也。故曰其匪正有眚。不利有攸往。夫微之顯。誠之不可掩。如此夫。故曰無妄。元亨利貞。其匪正有眚。不利有攸往。詩云。予懷明德。不大聲。以色。此之謂也。

象曰天下雷行物與無妄先王以茂對時

育萬物

天下雷行物與。季夏之月。土潤溽暑。大雨時行也。故曰天下雷行物

與無妄。是月也。天子居太廟太室。故曰先


王以茂對時育萬物。中央土。其日戊巳。其

帝黃帝致中和。天地位焉。萬物育焉。故曰

天下雷行物與無妄。先王以茂對時育萬



物。詩云。其崇如墉。其比如櫺。以開百室。此之謂也。



以震變坤。無妄之否。

初九。無妄之災。或繫之牛。行人之得。邑人

之災。

不招不惹。無因無由。故曰。無妄之災。變坤為子母牛。故曰。或繫之牛。以動

去震為行人。為子牛。子牛離母。根行人逸。遯。故曰。行人之得。以變來坤為邑人。為母牛。母牛失犢。白邑人抵觸。故曰。邑人之災。如有一朝之患。則君子不患矣。故曰。無妄



之災。或繫之牛。行人之得。邑人之災。象曰。詩云。天實為之。謂之何哉。此之謂也。

行人得牛邑人災也

得乃無妄之得。故曰。行人得牛。災屬無妄。

之災。故曰。邑人災也。變坤者順也。逆來順受。故曰。行人得牛。邑人災也。詩云。昊天疾威。予慎無罪。昊天泰憮。予慎無辜。此之謂也。

三三二

以震變兌。無妄之履。

六二不耕獲不菑畲凶

變兌其於地也為剛鹵。乃不毛之地。



也。故曰。不耕獲。不菑畲。於人爲哀莫大於  
心死。故曰。凶。比於楊氏。取爲我。拔一毛而  
利天下。不爲。故曰。不耕獲。不菑畲。凶。詩云。  
回。通其德。俾民大棘。此之謂也。  
**象曰。不耕獲。未富也。**心不則德義之經。爲  
福田。須憑心地。心地上不可耕獲。安能富  
潤屋。德潤身心。廣體胖。故曰。不耕獲。未富  
也。詩云。枝葉未有害。本實先撥。此之  
謂也。



以震變離。無  
妄之同人。



六三可貞無咎則利有攸往

以震東方木主仁變離南

方火秉禮君子以仁存心以禮存心故曰

可貞無咎仁者愛人有禮者敬人故曰則

利有攸往愛人者人恒愛之敬人者人恒

敬之故曰可貞無咎則利有攸往詩云民

之秉彜好是懿

德此之謂也

象曰可貞無咎固有之也

震變離動而明誠則明矣明則誠矣故曰

可貞無咎仁義禮智非由外鑠我也我固

有之矣故曰可貞無咎固有之也詩云天

生烝民有物有則此之謂也





以乾變巽。無妄之益。

九四無妄之疾勿藥有喜。

變巽其於人也為寡髮為廣顙。

為多白眼。此三者之疾乃天生之疾也。故曰無妄之疾。天生之疾。無藥可治。故曰勿藥。寡髮。廣顙。多白眼。非疾痛害事也。故曰勿藥。有喜。寡髮。廣顙。多白眼。不過貌不若人。爾貌不若人。則知惡之。若心不若人。則不知惡。此之謂不知類也。苟能至誠無妄。雖有惡人。齋戒沐浴。則可以祀上帝。故曰無妄之疾。勿藥有喜。詩云。維予小子。不聰。



敬止。此之謂也。象曰：無妄之藥，不可試也。未達則故曰：不可試也。誠之不可揜如此夫。故曰：無妄之藥，不可試也。詩云：神之格思，不可謂也。度思此之謂也。

䷘

以乾變離。無妄之噬嗑。

九五無妄往吉。

以乾健變離明。自誠明謂之性。即堯舜性之也。故曰：

無妄往。誠者天之道也。不勉而中，不思而得，從容中道，聖人也。故曰：吉。動容周旋中。



禮者。盛德之至也。哭死而哀。非為生者也。  
經德不回。非以干祿也。言語必信。非以正  
行也。君子行法。以俟命而已矣。故曰。無妄  
往吉。詩云。予懷明德。不大聲以色。不長夏  
以革。不識不知。順帝之則。此之謂也。  
**象曰。無妄之往得志也。**  
舜明於庶物。察於人倫。由仁義行。非行仁  
義也。故曰。無妄之往。作德心逸日休。故曰。  
得志也。聖人先得我心之所同然耳。故曰。  
無妄之往。得志也。詩云。永言配命。自求多  
福。此之謂也。



無妄



以乾變兌  
無妄之隨

上九無妄行有眚無攸利

以乾健變兌悅  
在無妄而務以

悅人乃卿愿德之賊也故曰無妄行有眚

作偽心勞日拙故曰無攸利其匪正有眚

不利有攸往無妄之往何之矣天命不佑

行矣哉故曰無妄行有眚無攸利詩云無

縱詭隨以謹罔

象曰無妄之行窮之災也

極此之謂也

飢者甘食渴者甘飲是未得飲食之正者  
飢渴害之也故曰窮之災也豈唯口腹有



飢渴之害。人心亦皆有害。故曰。無妄之行。窮之災也。詩云。為猶將多。爾居徒幾何。



乾下  
艮上

大畜利貞不家食吉利涉大川

有無妄然  
後可畜故

受之以大畜。大畜時也。為卦下乾天上艮止。故君子不可以不修身。思修身不可以不事親。思事親不可以不知人。思知人不可以不知天。下乾天上艮止。到知天為止也。故曰。大畜到知天為止。乃王佐之才也。其利物足以合義。其貞固足以幹事。故曰。



利貞。可與共天位也。可與治天職也。可與食天祿也。故曰：不家食，吉。一國之所慕，天下慕之。故沛然德教溢乎四海。故曰：利涉大川。伊尹聖之任者也。故曰：大畜利貞，不家食，吉利涉大川。詩云：實維阿衡，實佐佑商王。此之謂也。象曰：天在山

中大畜。君子以多識前言往行，以畜其德。

天在山中，乃聖人居在山林也。故曰：天在山中。大畜，舜之居於深山之中，與木石居，與鹿豕遊，其所異於深山之野人者，幾希及其聞一善言，見一善行，沛然若決江河。





以乾變巽。大畜之蠱。

莫之能禦。故曰。君子以多識前言往行。以畜其德。莫謂山林無至道。應知草野有聖人。故曰。天在山中。大畜。君子以多識前言往行。以畜其德。詩云。其室則迥。其人甚遠。

初九。豮豕之牙。吉。

乾位西北亥猪。故曰。豕。變巽為長為高。乃象也。

故曰。豮豕。變巽為白。乃象簡也。故曰。豮豕之牙。不家食者。手執象簡。蹈舞山呼。對揚休命。故曰。吉。乾為君。變巽為風。曰聖。時風若。變巽為木。為繩直。有木從繩。則正。后從



大畜

諫則聖之象故曰。殯豕之牙。吉。詩云。虎拜稽首。對揚王休。此之謂也。象曰。

初九之吉有慶也。元首明哉。股肱良哉。庶事康哉。故曰有慶也。初

九之吉。即不家食吉也。故曰初九之吉有慶也。詩云。濟濟辟王。左右奉璋。此之謂也。

以乾變離。大畜之賁。

九二何天之衢亨。乾天變離日。日麗天而行。故曰何天之衢。乾健

變離明。其德剛健而文明。應乎天而時行。故曰亨。仲尼日月也。無得而踰焉。故曰何




天之衢。亨。詩云。時邁其邦。昊天其子之。此之謂也。

象曰。何天之衢。

亨道大行也。

孔子聖之時者也。故曰。何天之衢。亨。立之斯立。道之斯行。

綏之斯來。動之斯和。故曰。道大行也。與天地參。萬世之師。故曰。何天之衢。亨。道大行也。詩云。自西自東。自南自北。無思不服。此之謂也。



以乾變兌。大畜之損。

九三。良馬逐日。閑輿衛。利有攸往。

乾為良馬。故曰。



良馬。乾為圜。故曰。輿衛。以乾變兌。兌而又  
乾。與乾卦九三。同一動變。即君子終日乾  
乾也。良馬。此君子。故曰。良馬逐日。閑輿衛。  
驥不稱其力。稱其德也。故曰。利有攸往。君  
子仕而優則學。學而優則仕。故曰。良馬逐  
日。閑輿衛。利有攸往。詩云。戎車既安。如輕  
如軒。四牡既佶。既。象曰。利有攸往。上合志。  
也。惟尹躬暨湯。咸有一德。故曰。上合志也。  
故就湯而說之。以伐夏救民。故曰。利有  
攸往。上合志也。詩云。維嶽降神。生甫及申。  
此之謂也。



三三

以良變離大畜之大有

六四童牛之牯元吉

變離為畜牝牛。牝則產犢。故曰童牛。變離

為火。火司夏。夏而福衡。故曰之牯。禁於未

發之謂豫。故曰元吉。夫大畜乃不家食。養

賢也。之卦不正。牯之使正。不賢養之。使賢

故曰童牛之牯。元吉。詩云周王壽考。遐不

作人。此象曰六四元吉有喜也。少成若天

之謂也。性故曰六

四元吉。犁牛之子。解且角。雖欲勿用。山川

豈舍諸。故曰六四元吉有喜也。詩云肆成



人有德。小子有造。古之人無斁。譽髦斯士。此之謂也。



以艮變巽。大畜之小畜。

六五履錯然敬之無咎。

艮為門闕。變巽者入也。乃不家食者。

入公門。天威不遠。顏咫尺。步步防錯。故曰。

履錯然。變巽為工。故曰。敬之。為人臣止於。

敬。故曰。敬之。無咎。入公門。鞠躬如也。如不。

容。立不中門。行不履闕。故曰。履錯然。敬之。

無咎。詩云。嗟嗟臣工。象曰。履錯之敬。以辟。

敬。爾在公。此之謂也。



咎也

足踳踳如有循故曰履錯之敬難進而  
易退故曰履錯之敬以辟咎也詩云溫恭朝夕執事有恪此之謂也



以艮變坤大畜之泰

上九輿脫輹利艱貞

坤為大輿從艮者止也變來乃歇卸之輿

也故曰脫輹不家食者告致仕而解組故曰輿脫輹變坤為地地道臣道臣罔以寵利居成功故曰利艱貞大夫七十而致仕曰吾老矣不能用也故曰輿脫輹利艱貞




詩云言旋言歸復我邦族此之謂也

象曰輿脫輹終

無尤也

不家食者又家食也故曰輿脫輹惟孝友於兄弟施於有政是以為政故曰輿脫輹終無尤也詩云所謂伊人在水一方此之謂也



震下艮上

頤貞吉觀頤自求口實

物畜然後可養故受之以頤頤者養

也為卦上艮止下震動有鼻止於上口動於下之象故曰頤入食則有養於身出言



則有益於世。其貞固足以幹事者莫大乎  
頤也。故曰頤貞吉。有大人之頤。有小人之  
頤。故曰觀頤。大人勞其心而後頤。小人勞  
其力而後頤。大人小人各不徒食。各不虛  
頤。故曰自求口實。務本業以定民志。事君  
敬其事而後其食。必也先事而後得。故曰  
頤貞吉。觀頤自求口實。詩云彼象曰山下  
君子兮不素食兮此之謂也。


有雷頤君子以慎言語節飲食

山下有雷。人問私語。

天聞若雷也。故曰山下有雷。頤禍從口出。  
病從口入。故曰君子以慎言語節飲食。君



子食不語。故曰。山下有雷。頤。君子以慎言。語。節飲食。詩云。爾受命長矣。弗祿爾康矣。



以震變坤。自頤之剝。

初九。拂經。居貞吉。不可涉大川。

以震足變坤地。乃步。

經界也。故曰。拂經。變坤至靜而德方。故曰。居貞。經界既正。分田制祿。可坐而定也。故曰。拂經。居貞吉。井田之法。可施諸江北高燥宜黍稷之地。不可施於江南下濕宜粳稻之澤。故曰。不可涉大川。觀頤。觀其所養也。先王之制。順天之道。設地之宜。故曰。拂。



經。居貞吉。不可涉大川。詩云。誕象曰。居貞。后稷之穡。有相之道。此之謂也。之吉。順以從上也。變坤者。順也。坤為衆。為請野。九一而助國中。什一使自賦。故曰。居貞之吉。順以從上也。詩云。雨我公田。遂及我私。此之謂也。



以震變兌。自頤之損。

六二由頤厲吉。利涉大川。

頤乃自求口實之卦。此文變兌。



爲口。故曰。由頤。自求口實。觀其自養也。故  
曰。由頤。屬吉。變兌爲澤。下濕者宜粳稻。利  
在江南。故曰。利涉大川。所重者。民之食也。  
故曰。由頤。屬吉。利涉大川。詩云。稼穡維寶。  
代食維好。此之謂也。象曰。由頤。屬吉。大有慶也。  
野治。故曰。由頤。屬吉。百姓足。君孰與不足。  
故曰。由頤。屬吉。大有慶也。詩云。衆維魚矣。  
實維豐年。此之謂也。



此以震變離  
卦自頤之賁



六三。舍爾靈龜。觀我朵頤。凶。

變離為龜。故曰。龜在自求。

口實之卦。乃食龜也。靈龜不食。食龜不靈。

故曰。舍爾靈龜。變離為日。故曰。觀我離為

火。象花開。故曰。朵頤。靈龜俛首不觀。觀龜

昂首不靈。靈龜閉口不朵頤。食龜朵頤不

閉口。故曰。觀我朵頤。凶。飲食之龜。人不貴

之矣。飲食之人。人皆賤之矣。為其養小以

失大也。故曰。舍爾靈龜。觀我朵頤。凶。象曰。


詩云。象服是宜。子之不淑。此之謂也。

觀我朵頤。亦不足貴也。

是未得飲食之正者。故曰。亦不足貴。



也。比於子張學干祿。故曰。觀我朵頤。亦不足貴也。詩云。洵有情兮。而無望兮。


 頤。以艮變離。頤之噬嗑。

六四。顯頤吉。虎視眈眈。其欲逐逐。無咎。

為火。火乃不藏之物。故曰。顯。治人者。食於人。故曰。顯。頤。君子欲而不貪。故曰。顯。頤。吉。艮山變離火。虎目乃山燈也。故曰。虎視。負隅而視下。故曰。眈眈。君子威而不猛。故曰。虎視。眈眈。艮變離。火行山上。過而不留。故曰。其欲逐逐。虎食田禽。保人稼穡。乃八蜡。



神之一也。比於官除匪盜。安民農業。乃一方人之主也。故曰顯頤吉。虎視眈眈。其欲逐逐。無咎。詩云樂只君子。民之父母。此之謂也。象曰顯頤之吉上施光也。艮山變離火。故曰上施光也。是以唯仁者宜在高位。故曰顯頤之吉。謂也。上施光也。詩云嘉樂君子。顯顯令德。此之謂也。



以艮變巽。自頤之益。

六五顛頤拂經于丘頤征凶。變巽為股。乃兌為口之反。



故曰顛頤。變巽為風。風以散之。故曰拂經。  
取於民無制。故曰顛頤。拂經。艮為山。故曰  
丘。變巽者入也。故曰征。夫主田無征。此艮  
山變巽入。乃征主田。故曰于丘頤。征欲重  
之於堯舜之道者。大桀小桀也。故曰顛頤。  
拂經于丘頤。征凶。詩云碩鼠碩鼠無食我  
黍。此之謂也。  
**象曰六五征凶行失類也。**民困於  
謂也。政故曰六五征凶。財聚則民散。故曰行失  
類也。百乘之家。不畜聚斂之臣。故曰六五  
征凶。行失類也。詩云不弔昊天不宜空我  
師。此之謂也。





以艮變坤。自頤之復。

上九拂頤貞凶十年勿用無攸利。

以艮為手變坤

為均。無大人之事。無小人之事。無野人。無君子。比而同之。是亂天下也。故曰拂頤貞凶。教君與民並耕而食。自今歲不征。將九年之蓄用盡。到十年則倉廩告窘。府庫報空矣。故曰十年勿用。無攸利。此爻乃異端害正。故曰拂頤貞凶。十年勿用。無攸利。詩云。乃如之人兮。逝不古處。此之謂也。象曰。十年勿用。道大悖。



也。生乎今之世。反古之道。故曰。道大悖也。  
 愚而自用。不能見遠。故曰。十年勿用。道  
 大悖也。詩云。哀哉。為猶。匪先民是程。匪大  
 猷是經。此之謂也。



兌上。巽下。

大過棟橈利有攸往亨。

頤者養也。不養則不可動。故受之以

大過。大過者過也。為卦下卦巽為木。上卦  
 兌為毀折。乃伐木取材之象。伐木取材。上  
 翦枝幹。下斷根茅。其材在中。故曰。大過為  
 卦。上缺下斷。乃豎起之木也。故曰。棟。上橈



仰月。以架上樑。下橈俯月。以乘下柁。故曰。棟橈間。架結構。則舉架固矣。舉架固。則廟堂久矣。故曰。利有攸往。廟堂久。則政治通矣。故曰。亨。執其兩端。用其中於民。其斯以為舜乎。舜為法於天下。可傳於後世。故曰。大過。棟橈利有攸往。亨。詩云。新廟奕奕。奚斯所作。孔曼且碩。萬民是若。此之謂也。

象曰。澤滅木。大過君

子以獨立不懼。遯世無悶。

澤滅木。乃霜凋木。葉也。霜凋木。

葉時在晚秋。故曰。澤滅木。大過。葉凋有本在。冬枯待春發。故曰。君子以獨立不懼。遯



世無悶。若夫豪傑之士。雖無文王。猶興。故曰。澤滅木。大過。君子以獨立不懼。遯世無悶。詩云。維嶽降神。生甫及申。此之謂也。



以巽變乾。大過之夬。

初六。枯楊生稊。老夫得其女妻。無不利。

巽為

木。故曰。楊。澤滅木。故曰。枯。楊。變乾。亥冬。故曰。生。稊。不養。則不能動。不退。則不能進。不剋。則不能生。故曰。枯。楊。生。稊。巽。長女。變乾。為父。故曰。老夫得其女妻。枯。楊。生。稊。可望。




春芽。老夫得其女妻。可。望。晚。子。故。曰。無。不。利。大。過。之。時。大。矣。哉。故。曰。枯。楊。生。稊。老。夫。得。其。女。妻。無。不。利。詩。云。心。乎。愛。矣。遐。不。謂。矣。此。之。謂。也。

象曰：老夫女

妻過以相遇也。

以巽變乾。自成。天下有風。始。故。曰。過。以。相。遇。也。巽。以。

行。權。變。乾。以。易。知。行。權。則。通。變。易。知。則。有。親。故。曰。老。夫。女。妻。過。以。相。遇。也。詩。云。邂逅。相遇。適。我。願。兮。此。之。謂。也。



以巽變艮。大過之咸。



九二枯楊生華老婦得其士夫無咎無譽


巽為木故曰楊澤滅木故曰枯楊變艮寅  
春故曰生華不養則不能動既動仍須待  
養故曰枯楊生華巽長女變艮少男故曰  
老婦得其士夫一陰一陽之謂道故曰無  
咎少長非偶故曰無譽枯楊華而不實老  
婦交而不孕廢中權而已矣故曰枯楊生  
華老婦得其士夫無咎無譽詩云濟  
盈不濡軌雉鳴求其牡此之謂也

象曰

枯楊生華何可久也老婦士夫亦可醜也



且顧眼前。故曰。枯楊生華。何可大也。因貧  
苟就。故曰。老婦士夫。亦可醜也。事有可從  
權而就之。情有不得已而為之。故曰。枯楊  
生華。何可久也。老婦士夫。亦可醜也。詩云。  
豈其食魚。必河之魴。豈其取妻。必齊之姜。  
此之謂也。



以巽變坎。  
大過之困。

九三棟隆吉有他吝。

此爻未變。上缺下斷。  
中滿四陽。乃工師得。

大木也。故曰。棟隆吉。此爻一變。上缺下斷。  
中滿一陽。被匠人斲而小之也。故曰。有他。



吝。仍舊貴。如之何。何必改作。一改作。則成事不足。壞事有餘。故曰。棟隆吉。有他吝。詩云。匪用其良。覆俾我悖。此之謂也。

象曰。棟隆之吉。不橈乎

下也。

天下本無事。庸人自擾之。故曰。不橈乎下也。君子宜自保。而難任人。故曰。

棟隆之吉。不橈乎下也。詩云。弗躬弗親。庶民弗信。此之謂也。

䷛


以兌變坎。大過之井。

九四棟橈凶。

以兌為毀折。變坎者陷也。故曰。棟橈於人為剛復自用。故



曰凶。兌為口。變坎者險而陷。惡利口之覆  
邦家者。故曰棟橈凶。詩云。讒人罔極。交亂  
四國。此象曰。棟橈之凶。不可以有輔也。人  
之謂也。始故曰。棟橈之凶。遠佞人。故曰。不可以有  
輔也。君之左右有佞臣。如堂之左右有朽  
棟。故曰。棟橈之凶。不可以有輔也。詩云。赫  
赫師尹。不平。謂何。此之謂也。



以兌變震。  
大過之恒。

九五。藉用白茅。無咎。

變震為萑葦。故曰白  
茅。古之葬者。厚衣之。



以薪不封不樹喪期無數後世聖人易之以棺槨蓋取諸大過懸棺下葬必須麻繩斃底以保穩重落坑故曰藉用白茅子曰苟錯諸地而可矣藉之用茅何咎之有慎之至也夫茅之為物薄而用可重也慎斯術也以往其無所失矣故曰藉用白茅無咎詩云我心蘊結兮聊象曰藉用白茅柔在下也既緩且穩落穴無聲故曰柔在下也死葬之以禮故曰藉用白茅柔在下也詩云永言孝思孝思維則此之謂也





以兑變乾。大過之始。

上六過涉滅頂凶無咎。

兑為澤。故曰涉。變乾為首。故曰頂。濟

有深涉。故曰過涉滅頂。大過人之智。有大

過人之志。舍生而取義者也。故曰過涉滅

頂。凶。志士仁人。無求生以害仁。有殺身以

成仁。故曰凶無咎。求仁而得仁。又何怨。故

曰過涉滅頂。凶無咎。詩云。豈

不懷歸。畏此簡書。此之謂也。象曰過涉之

凶不可咎也。大過之時大矣哉。故曰過涉



及也。故曰。過涉之凶。不可咎也。詩云。不知我者。謂我何求。此之謂也。



坎下。坎上。

習坎有孚。維心亨。行有尚。


大過者過也。有物過者必陷。故

受之以坎。坎者陷也。為卦象坤為地。中間欠土。故曰坎。土欠則水盈之。故為水。上卦坎水。乃發源之水也。下卦坎水。乃趨流之水也。源泉混混。不舍晝夜。故曰習坎。盈科而後進。放乎四海。有本者如是。故曰有孚。智者樂水。故曰維心亨。智者動。故曰行有



尚。流水之爲物也。不盈科不行。君子之志  
於道也。不成章不達。子在川上。曰。逝者如  
斯夫。不舍晝夜。故曰。習坎。有孚。維心亨。行  
有尚。詩云。亶亶文王。令聞不已。此之謂也。  
**象曰。水洊至。習坎。君子以常德行。習教事。**  
水洊至。後浪催前浪也。故曰。水洊至。習坎。  
天之生斯民也。使先知覺後知。故曰。君子  
以常德行。習教事。坎爲水。其爲物不貳。古  
之教者。處其一。故曰。水洊至。習坎。君子以  
常德行。習教事。詩云。古之人無斁。譽髦斯  
士。此之謂也。





以坎變兌  
自坎之節

初六坎不盈祇既平無咎

坎為流水。水流而不盈。故曰坎

不盈。今變兌為注水。水注則見平。故曰祇

既平。初六變兌之節。節以制度。不傷財。不

害民。故曰坎不盈。祇既平。無咎。詩云。原隰

既平。泉流既清。召伯有成。王心則寧。此之

謂也。象曰。坎不盈。未出中也。先是坎位正北

也。正西之中。故曰未出中也。執中為近之。君

子和而不流。故曰坎不盈。未出中也。詩云。



遡游從之。宛在水中央。此之謂也。



以坎變坤。自坎之比。

九二樽酒簋貳。


句

用缶納約自牖終無咎。

酒陽食陰。坎中滿。一陽介兩陰。象一樽之酒。二簋之食。故曰樽酒簋貳。變坤為釜。故曰缶。坎水變坤土。乃陶瓦之器也。故曰用缶。變坤土主信。故曰納約。從明內之坎水。變來。故曰自牖。因其明而納其信。故曰納約。自牖終是變坤之比。比輔也。下順從也。



故曰終無咎。享不在多。儀而在誠。交不在  
**華筵**而在信。至誠感神。心到神知。至信交  
友。情投友領。故曰樽酒簋貳。用缶。納約自  
牖。終無咎。詩云神之聽之。終和且平。此之  
謂也。**象曰樽酒簋貳剛柔際也。**坎一剛介兩  
際也。饌不在盛而在時。敬不在多而在洽。  
故曰樽酒簋貳。剛柔際也。詩云物其有矣。  
維其時矣。此之謂也。



以坎變巽。  
自坎之井。




六三來之坎坎險且枕入于坎窞易用水坎

變巽風風來浪作故曰來之坎坎變巽為木水泛木浮而滾浪漂搖故曰險且枕變巽者入也故曰入于巽位東南地不滿東南故曰坎窞若涉大水其無津涯故曰入于坎窞勿用變巽之井人皆曰予智驅而納諸罟獲陷阱之中而莫知之辟也故曰來之坎坎險且枕入于坎窞勿用詩云匪我言髦爾用憂謫多將熇熇不可救藥此之謂也象曰來之坎坎終無功也小人行險冀其僥倖



故曰。來之坎。坎欲行險僥倖。恐未必能僥倖。故曰。終無功也。羿善射。彘盪舟。俱不得其死。然故曰。來之坎。坎終無功也。詩云。式遏寇無倖。作隱。此之謂也。



以坎變兌。自坎之困。

六四係用徽纆。寘于叢棘。三歲不得凶。

為坎

矯揉。故曰。徽纆。坎為盜。小人犯刑。故曰。係用徽纆。屏之遠方。變兌位正西。西方曰棘。故曰。寘于叢棘。坎子變兌酉。歷酉戌亥三年。方能再反坎子。故曰。三歲變兌為毀折。




杖而徒之。故曰。三歲不得。變兌之困。小人窮斯濫矣。因無恒心。苟無恒心。放僻邪侈。無不為也。及陷乎罪。然後從而刑之。故曰。係用徽纆。寘于叢棘。三歲不得。凶。詩云。嗚呼小子。未知臧否。此之謂也。

象曰。六四失道凶。三

歲也。

坎水變兌澤。深入苦海。故曰。六四失道。苦海無邊。回頭是岸。故曰。六四失

道。凶。三歲也。詩云。如彼泉流。無淪胥以亡。此之謂也。



以坎變坤。自坎之師。



九五坎有險求小得

坎為水。水主智。聰明

位北。

北方崆峒之人。武勇力振世。乃人之

險也。

坎為雨。雨澤萬方。功被天下。乃人之

險也。

坎水放乎四海。富有四海。乃人之險

也。

智勇功富。四者皆險。坎盡有之。故曰坎

有險。

可喜。以坎變坤。以陽變陰。將大就小。

聰明。

睿智雖險。貴在守之以愚。勇力振世

雖險。

貴在守之以怯。功被天下。雖險。貴在

守之。

以讓。富有四海。雖險。貴在守之以謙。

愚怯。

讓謙。四者皆小。變坤盡有之。故曰求

小得。

變坤之師。剛中而應。行險而順。以愚



怯讓謙之四得。克去智勇功富之四險。此之謂持滿有道。克已復禮。故曰坎有險求。小得。詩云仲山甫之德柔嘉維則。象曰求令儀令已小心翼翼此之謂也。

小得中未大也。

坎剛中動變坤柔中故曰中未大也。君子依乎中庸。

故曰求小得中未大也。詩云泉之竭矣不云自中此之謂也。



以坎變巽自坎之渙。

上六習坎入于坎窞凶。

坎水變巽風風來水不靜故曰習於



人爲好行小慧。逞智展才。故曰。習坎。變巽者入也。故曰。入于巽。位東南。地不滿東南。故曰。坎窞。好智不好學。其蔽也蕩。故曰。入于坎窞。凶。變巽之渙。渙離也。乃小有才。未聞君子之大道。則足以殺其軀而已矣。故曰。習坎。入于坎窞。凶。詩云。彼何人斯。其心孔艱。此象曰。習坎。入坎。失道凶也。諺有云。之謂也。死會水的。故曰。習坎。入坎。好智之人。終必死於智。用巧之人。終必禍於巧。故曰。習坎。入坎。失道凶也。詩云。胡不相畏。不畏于天。此之謂也。





離上  
離下

離利貞亨畜牝牛吉

坎者陷也。陷必有所麗。故受之以離。離者

麗也。為象乾為天。空中有物而麗焉。麗則不可即。故曰離。天上麗焉。乃日也。故為日。上離乃行天之日體也。下離乃照地之日暉也。其利物足以合義者。莫大乎行天之日體也。故曰利。其貞固足以幹事者。莫大乎照地之日暉也。故曰貞。如是則天地位焉。萬物育焉。故曰亨。坤土為牛。離為火。火乃土之母也。故曰牝牛。日欲其日以繼日。



牛欲其牛以繼牛。故曰畜牝牛。日暖之地。地不死。牛耕之地。地尤活。牛之為畜也。有代日宣化之功。故曰離利貞亨。畜牝牛吉。詩云。爰爰良邦。俶載南畝。播厥百穀。實函斯活。或來瞻。汝此之謂也。象曰。明兩作離。大人以繼明照于四方。故曰。明兩作。天日地暉。兩不相即也。故曰。大人以繼明照于四方。萬國暉統於一日。一德以尊於天子。故曰。明兩作離。大人以繼明照于四方。詩云。萬邦之方。下民之王。此之謂也。





以離變艮  
自離之旅

初九日昃之離不鼓缶而歌則犬啞之嗟

凶

變艮斜照東北故曰日昃離為乾卦變艮以止之乾止則不富於人為既老且

貧故曰日昃之離

變艮覆碗故曰不鼓缶

而歌

變艮為狗故曰則犬啞之嗟人窮則

思惡故曰凶

變艮之旅旅而無所容旅寡

親也

人離鄉賤流落他方一叫化窮叟故

曰日昃之離

不鼓缶而歌則犬啞之嗟凶

詩云

瑣兮尾兮流離之子叔兮伯兮褻如



充耳。

此

之謂也。

象曰：日昃之離，何可久也。

桑榆暮景，故曰。

何可久也。


諺有云：寧損十年壽，不受老來

貧。故曰：日昃之離，何可久也。詩云：人而無

止。胡不遄死。此之謂也。

謂也。

謂也。



以離變乾。離之大有。

六二：黃離元吉。

變乾為金，故曰黃。從離為

也。故曰黃離。


黃金乃五金之長也。元乃五

善四德之長也。故曰：元吉。

變乾之大有。大



有衆也。真金乃有衆之寶。名賢乃有國之寶也。故曰黃離元吉。詩云有斐君子如金如錫如圭如璋。此之謂也。象曰黃離元吉離王公也。乾變爲君。故曰離王公也。煉成不壞之寶。實維王佐之才。故曰黃離元吉。離王公也。詩云實維阿衡。實佐佑商王。此之謂也。



以離變震。離之噬嗑。

九三突如其來如焚如死如棄如。離爲火。變震爲。



決躁。火未舉。烟先發。故曰。突如其來如。離  
為火。變震為蒼筤竹。為萑葦。乾柴烈火。故  
曰。焚如。火畋多死物。故曰。死如。火地則不  
生。故曰。棄如。於人為一朝之忿。忘其身。以  
及其親。故曰。突如其來如。焚如。死如。棄如。  
詩云。旱既太甚。則不可沮。赫赫炎炎。云我  
無所。此象曰。突如其來如。無所容也。多因  
之謂也。急所以天殃速。故曰。突如其來如。好縱無  
名火。那有容人量。故曰。無所容也。皆因我  
不容人。惹得天不容我。故曰。突如其來如。  
無所容也。詩云。下民之孽。匪降自天。





以離變艮。自離之賁。

九四有厲利已。

離為火。火最無情。故曰有厲。變艮者止也。故曰利已。

變艮之賁。山下有火。若火之燎于原。不可

嚮邇。凡惡之當於勢。不可依恃。故曰有厲

利已。詩云。誰能執熱。象曰。有厲利已。不犯

逝。不以濯。此之謂也。象曰。有厲利已。不犯

災也。君子不趨炎附勢。故曰有厲利已。既

厲利已。不犯災也。詩云。既明且哲。以保其

身。此之謂也。



三三

以離變乾  
離之同人

六五出涕沱若戚嗟若吉

離火變乾寒內  
積邪熱外感時

寒乃瘧疾也故曰出涕變乾健不息故曰

沱若流涕不息似有悲哀故曰戚嗟若人

病則思善故曰吉人之有德慧術智者恒

存乎疢疾獨孤臣孽子其操心也危其慮

患也深故違故曰出涕沱若戚嗟若吉詩


云我心匪石不可轉也我心匪席不可卷

也此之象曰六五之吉得中道也變成大

謂與哉乾乎



剛健中正。故曰得中道也。孔子曰。不得中行而與之。必也狂狷乎。狂者近取。狷者有所不為。離為火。其性狂。能變成乾健。乃自明誠。謂之教。惟狂克念作聖。故曰六五之吉。得中道也。詩云。有斐君子。如切如磋。如琢如磨。此之謂也。



以離變震。自離之豐。

上九王用出征。有嘉折首。獲匪其醜。無咎。

離為日。故曰王。離為戈兵。變震者動也。故曰王用出征。變震為六子之長。故曰有嘉。



折首。獲匪其醜。變震之豐。明以動。故曰。無咎。離為火。變震為決躁。天吏逸德。烈于猛火。殲厥渠魁。脅從罔治。故曰。王用出征。有嘉折首。獲匪其醜。無咎。詩云。如火烈烈。則莫我敢曷。象曰。王用出征。以正邦也。此之謂也。則禮樂征伐。自天子出。故曰。王用出征。變震驚百里。大邦不得過百里。故曰。王用出征。以正邦也。詩云。赫赫業業。有嚴天子。此之謂也。

周易逢原上經

卷之二

終



